

Pol Mon Pailiimon Kin Połpu Kindim

¹ Na Pol kin Timosii tał, nim Pailiimon noman ka ngonmbuł. Na kan ngii wu mił moł. Nimbił erang na Jiisas Kraiss kin ekii sip, eim kongun enj konu ele kan ngunjung. Timosii na kin tep to mołpuł kin eim siłip enginjpil. Sił nim noman ngunmbuł Pailiimon. Nim sił kongun enmbił mił yi en.

² Sił nga noman ka Apiya sinim einginjpın kin, Arkipas kin pii gii wumb nim ngii konu ele, kułou to mołmun. Arkipas eim wu dinga mendpil, Gos kongun dinga kindpi kin, sił enmbił mił yi elim wu ei, Pailiimon nim ngii konu ele mołum.

³ Sinim Erinjpın Gos Owundu nim, eim kingam Jiisas Kraiss kin, kapli nim kin noman ka ngambił kin, nga noman ngangıl kin, nim noman emin peng mulnjii.

⁴ Na Gos Owundu nim kin, noman ka pii ngop kin, na ekii sip kin, ek ka nip end. Eramb kin, na kunum kunum ele, na nim kin Gos kin prei er ngond.

⁵ Nimbił erang na piind ei, nim pii gii wumb pei, noman kulkun kin, nga nim Jiisas Owundu kin pii gii nikin ekii sin.

⁶ Nga na prei end ei, nim kapli wumb Jiisas kin pii gii ninmin wumb ei kin, noman ende kindan kin, kapli enim paki top kin, er dinga kindmba. Nim okun kin kapli, epi ka ombu piin mił, sin yi

ermin. Erpin kin kapli, sinim Jiisas embe ambil tonu kindmin.

⁷ Na angnan, na ka mendpil piip kin, nga nim noman ka ei, na ngun ei, na paki tonum. Tang kin, nga nim noman ka ei, wumb pii gii nilmin wumb pei noman tuk ele kunum kunum paki tonum ku.

Pailiimon Onisimas Orung Simba

⁸ Yi mil erang, na kapli ek dinga kindip nimbii end. Nimbil erang na Jiisas nga tilap ele molup kin, na ek dinga mendpil kii sip nind kin, kapli nim ol kun pimba mil yi enjii.

⁹ Ba na ek yi mil ninermbii mon. Wumb kin noman ngolmun ol ei sil ambil gii ninim. Neng kin, na nim kin kii simbbii end. Keimi, na Pol Gos nge ek se andip nip wumb ngop yi el wu tukui mol. Molup kin, pe na kan ngii ele pal ei, nimbil erang Jiisas Krai kin pii gii nip kin, ekii sip kin Gos ek nipi wumb ngunj konu ele na kan ngunjung.

¹⁰ Na nim kin kii sind ei, wu Onisimas nge nip kin kii sind. Sipi kin, eim na kangi mil mulum. Mulang kin na eim arim mil molup kin, na eim Jiisas kin pii gii ek ei, emb top ngunj kunum ei, na kan ngii ele pep kin yi enj.

¹¹ Okrii wu Onisimas eim kongun ka wii endi nim kin kun enerim mon; ba pe eim kapli sil ouni paki topu kin, kongun ka enim.

¹² Pe na eim nim kin, ngo orung kindind ei, na noman tuk orung eim kin ouni ngond.

¹³ Na noman yi piinj ei, eim ya nanim kin tep to mulmba ni piinj. Molpu kin, kapli na kan ngii pal mil, eim na paki topu kin, enim konu ele sipi kin,

enim kongun mił yi ermba. Erpi kin, na kan ngii pał ei, nimbił erang na Gos ek ka nip kin, wumb ngunj konu ele, kan ngunjung.

¹⁴ Ba na kapli ol kanim kanim endi erip kin, eim kapli, yi nanim kin mułmba ni piind; ba nim kapli kumb se piikin kin, ninjii. Nikin kin, na nim kin ol yi erii nip kin, enermbii; ba nim ninim wu Onisimas sikin kin, orung sinjii ei, nimbił erang ninim ol yi ermbii ni piin kin, ei yi mił ku enjii.

¹⁵ Nimbił erang, wu Onisimas eim nim kin si kindpi pupu kin, kunum kinan multum. Mołpu kin, ele nge eim orung omba ei, nim kin kunum kinan olt kis ei, nim eim ambił gii ni se mułmba ni piind.

¹⁶ Ok eim nim kin kongun wii kunum kunum er mułum; ba pe Onisimas eim wii mendpił mołpu kin eim kongun wu wii endi mulalim mon. Eim silip nge enginpił. Silip eim noman ngumbuł ei, eim na angnan mił eim na noman mendpił ngond. Nim kapli, eim noman mendpił ngun. Nimbił erang ok eim nim kin kongun kunum kunum wii er ngolum. Ba pe eim kongun wu mendpił mon; ba Jiisas nge embe ele eim nim angnim mił mołum.

¹⁷ Yi mił pe nim na kin Krais nge kongun ende wu ni piin kin, kapli nim wu Onisimas nim se orung sin ei mił, kapli yi mił ku nim na sinjii.

¹⁸ Sikin kin, eim okrii nim kin ol kun pinałim mił endi erim kin, kapli nga nim epi endi ei, eim nim kin ngo pendim kin, kapli nim na kin ngo orung kindnjii.

¹⁹ Na Pol nanim angil ele, mon ei puls ele, ei keimi nind. Na kapli eim nim kin epi endi sipi

no pendim kin ei, kapli na nim kin ngo orung kindmbii; ba na nim epi na ngunjii ei ninand mon! Nimbił erang nim na kin noman konj pei ngunjii ei, na ninand ku. Nimbił erang na nim arnim mił mołup kin Jiisas nge ek ka nip kin, nim ngamb kin, nim eim kin pii gii nin.

²⁰ Keimi angnan; na kapli nim oł ei erkin kin, na kin paki to ngunjii. Nimbił erang silip, Jiisas Owundu kin pii gii nipił mołmbuł. Nim kapli ek nikin kin, na noman tuk er dinga kindkin kin, kaimb se ngunjii. Ngan kin, silip Jiisas Krais kin pii gii nipił kin, angim angim mołmbuł.

²¹ Na piip kin, na mon ei połup kin nim kin ngond ei, na nim kin kii sip enjii pa ninj mił, nim am ekii sinjii. Ei na ni piind ei, nim kapli oł kun ka na kii sinj mił, am erkin ernding pukun kin, nga na kii sinj mił, enjii en.

²² Kunum ełe, nim Onisimas se orung sinjii kunum ei, nim na pimbii konu ełe endi er kun enjii. Nimbił erang na namin nim kin ombii ni piind. Nimbił erang enim Gos na kin prei er ngonmun ei, Gos piipi kin, na enim kin orung kindmba.

Ek Osii Endi

²³ Epapras eim nim kin noman ka ngonum ei, eim na kin kan ngii ełe ouni pałmbił. Nimbił erang eim Krais Jiisas kin pii gii nim ku.

²⁴ Nga yi ku Mak ni, Arisakas ni, Diimas ni Luk ni wu kei en enim, yi ku enim kin noman ka ngonmun. Ngok kin en enim na kin kongun tep to erpin erpin enjpin wu kei mołmun.

²⁵ Kapli Jiisas Krais Owundu nge noman ka ei
enim noman tuk gui ele, tep to mulangli!

Gos Nge Ek Ka Ei Sinim Kin Ngolum
The New Testament in the Nii Language of Papua New
Guinea

Nupela Testamen long tok ples Nii long Niugini

copyright © 1980 Wycliffe Bible Translators, Inc.

Language: Nii

Dialect: Central Wahgi

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-04-23

PDF generated using Haiola and XeLaTeX on 18 Mar 2025 from source files dated 31 Aug 2023

57529bce-9e23-5350-904d-243a1b359818